

欽定盛京通志卷之九十

流寓

漢

晉

前燕附

北魏

唐

五代晉

宋

欽定盛京通志

卷九十

目錄

元

明

國朝

欽定盛京通志卷之九十

流寓

臣等謹案東漢管寧與邴原王烈避地遼東挹其遺躅者至今爲美談而攷諸志乘則西漢王仲逢萌實爲稱首蓋遼東風俗醇美擇地之士恒樂依之自是以來流寓於此者或以功名或以節介或以儒學雖所操不同要其風嶽可愛慕則一也謹志流寓第二十九

欽定盛京通志

卷九十

流寓

一

欽定盛京通志卷之九十

流寓

漢

王仲瑯瑯人好道術明天文諸呂作亂齊哀王襄謀舉兵數問於仲及濟北王興居反欲劫仲爲將仲懼禍及浮海東奔樂浪山中因家焉七世孫閔八世孫景並見人物志

逢萌字子慶北海都昌人家貧爲亭長擲楯歎曰大丈夫安能爲人役哉遂去學於長安通春

欽定盛京通志

卷九十

流寓

一

秋平帝時見王莽殺何武鮑宣等數百人及其子宇謂友曰三綱絕矣不去禍將及人卽解冠挂東都城門將家屬浮海客於遼東光武卽位始還鄉至瑯琊勞山屢徵不起

管寧字幼安北海朱虛人漢末寇亂與邴原王烈避地遼東公孫度虛館以候之寧見度語惟經典不及世事退居崖谷因山爲廬鑿坯爲室越海避難者依之旬月成邑遂講詩書陳俎豆飭威儀明禮讓非學者不見由是度安其賢民

化其德。寧所居屯落。汲者男女雜沓。或爭井相鬪。寧乃密置器井傍。以待汲者。鄰有牛暴寧田。寧爲牽著涼處。自爲飲食。過於牛主。牛主大慚。由是禮讓行于海表。常坐一木榻。積五十餘年。未嘗箕股。當膝處皆穿。又常著皂帽。終不更易。度子康欲官寧以自輔。終不敢言。其敬憚如此。及魏文帝禪位。徵寧還。是時公孫康死。嫡子不立。而立弟恭。寧曰。廢嫡立庶。人有異心。亂之所由起也。乃將家屬浮海。其後淵果奪恭位。僭稱王。爲司馬懿所滅。遼東大亂。卒如寧言。寧之歸也。海中遇暴風。船將溺。舟中慮有過惡者。請自禱于神。寧曰。吾自省生平。惟有一日不冠。三朝晏起而已。此外無小失道。無所禱也。言方竟。夜風晦明。船人忽望見火光。輒趨之。得島。島無居人。亦無火燼。咸以爲神光之助。寧船自若。風止而渡。初寧在遼東。度父子有所資遺。皆受而藏焉。及西渡。盡封還之。旣至。屢徵不起。年八十四卒。

王烈字彥方平原人以義行稱鄉里有盜牛者主得之盜曰刑戮自甘乞勿使王彥方知也董卓之亂避地遼東躬秉農器布衣蔬食東域之人奉之若君太守公孫度接以昆弟之禮欲屈以官烈乃爲商賈自穢得免後曹操聞烈名徵之終不至建安二十四年時年七十八終于遼東

邴原字根矩少與管寧同里並以操尚著稱黃巾起原將家屬浮海遂至遼東時同郡劉政有

勇略公孫度欲殺之盡捕其家原以政付太史慈使護歸里旣而謂度曰將軍前欲殺劉政以其爲已害也今政已去君之害除矣度曰然原曰君之畏政者以其有智也今政已免智將用矣不若並赦政家無重怨也度乃出之原又資送政家還郡居一年歸原者數百家教授之聲不絕原性剛直常以清議格物公孫度以下不能安管寧以言非其時皆招禍之道密遣原西還原行數日度方覺歎曰邴君所謂雲中之鶴

非鷓鴣之網。所能羅矣。

國淵字子尼。樂安人。師鄭康成。後與邴原管寧等。避亂遼東。淵薦學好古。嘗講學于山巖。士人多推崇之。由此知名。按邴原國淵。後皆仕魏。而其流寓遼時。則猶漢時也。

故仍繫之漢。

涼茂字伯方。山陽昌邑人。少好學。議論常據經典。以決是非。官樂浪太守。公孫度在遼東。留茂不遣之官。而茂終不為屈。尋徵還。復為魏郡太守。

欽定盛京通志

卷九十

流寓

四

太史慈字子義。黃縣人。猿臂善射。少好學。為郡奏曹史。因避仇之遼東。孔融聞其名。數餽其母。及融為黃巾管亥圍於都昌。慈適從遼東還。奉母命之。都昌復突圍往平原。說劉備求兵。為融攻黃巾破之。

晉

趙至字景真。代郡人。年十四。入太學。遇嵇康。寫石經。徘徊不能去。為康所知。又與康子蕃友善。及向遼西占戶。乃與蕃書敘別。陳志操。文辭甚

美。後舉郡計吏。到洛。至父欲其宦立。仍遣歸遼西。幽州三辟部從事。斷九獄。見稱精審。盧諶。范陽人。建興末。隨劉琨投段匹磾。後琨爲匹磾所害。諶復投段末波於遼西。元帝初。末波通使江表。諶因其使。抗表理琨寃。晉累徵諶爲中書侍郎。而末波留之不遣。後石季龍破遼西。用爲國子監祭酒侍中。諶恒以爲辱。每謂其子曰。吾歿後。但稱晉司空從事中郎爾。撰祭法。注莊子及文集。皆行於世。

高瞻。字子前。渤海蓇人。少而英爽。有俊才。光熙中。調補尚書郎。永嘉之亂。北徙幽州。旣而隨崔毖。及毖謀伐慕容廆。瞻固諫不從。毖敗。廆署瞻爲將軍。瞻稱疾不起。廆敬其姿品。數臨候之。仍辭以疾篤。廆不平。遂以憂卒。

前燕

附

游邃。廣平人。與逢羨。宋奭。皆嘗爲昌黎太守。時晉室衰亂。初避地於薊。後徙寓遼東。仕廆爲龍驤長史。創定朝議。

裴開。字士先。河東聞喜人。與其叔疑同歸慕容
廐。開才略深遠。仕至軍諮祭酒。

皇甫岌。安定朝那人。與弟真俱寓遼東。廐皆擢
用之。竝以文章才儁。任居樞要。

封奕。字子專。渤海蓆人。祖釋。仕晉爲東夷校尉。
後釋卒。奕在遼東。慕容廐召與語。悅之。曰。奇士
也。嗣釋子俊。及抽。咸來奔喪。廐一見皆留之。以
俊爲叅軍。抽爲長史。復以奕爲軍諮祭酒。掌軍
國機要。奕爲人喜怒不形。政務之暇。留心講論。
接引後進。如若不及。後仕魏。屢立戰功。位至相
國。封武平侯。

欽定盛京通志

卷九十

流寓

六

宋該。字宏宣。平原人。與同郡劉翔。杜羣。先依王
浚。又依段氏。皆以爲不足託。率諸流寓。同歸於
廐。仕右長史。
朱左車。會稽人。胡母翼。太山人。皆流寓遼東。以
舊德清重。慕容廐引爲師友。

劉瓚。字彥真。平原人。經學該通。性甚清真。受業
者常數百餘人。寓遼東。慕容廐重其學。引爲東

庠祭酒慕容皝帥國胄束修受業焉。

逢羨北海人與北平西方虔蘭陵繆愷同時並寓遼東慕容廆引羨與虔俱爲謀主愷以文章才俊職任樞要。

北魏

陸希道字洪度鉅鹿郡公叡之子也魏孝文時叡坐穆泰事賜死妻子徙遼西希道歷覽經史頗有文致及後召還累遷前將軍郢州刺史善於撫邊甚有威略。

欽定盛京通志

卷九十

流寓

七

唐

蔣儼義興人擢明經爲兵曹參軍太宗伐高麗募爲使者人皆憚行儼獨奮然言曰天子雄武四海畏威叢爾國敢圖王人有如不幸固吾死所也遂請往及至爲莫支離所困以兵脅之不屈納之土室中及高麗平乃歸帝奇其節授朝散大夫。

五代晉

張礪爲翰林學士石晉末隨晉帝遷於契丹遼

主德光重其文學。仍以爲學士。礪逃歸。爲追者所得。德光責通事高唐英等曰。吾戒爾等善待此人。致其逃去。過在爾也。待礪如故。

胡嶠。同州郃陽令。石晉末。陷遼。爲蕭翰掌書記。

居福州。著陷蕃記。凡所經行。記之甚悉。宋歐陽

修作五代史。多採之。按福州。遼上京州名。在原州北。舊志作復州。誤。

馬允卿。石晉時。爲青州刺史。遼太祖兵至。堅守

不降。城破。被執。太祖義而釋之。徙其家於盩厔

閭。允卿以詩禮世其家。四世孫人望。登進士。爲

欽定盛京通志

卷九十

流寓

八

遼名臣。

宋

洪皓。字光弼。鄱陽人。仕宋。使於金。被拘不屈。將

殺之。有爲跪請者。後流於冷山。距會寧府二百

里。四月草生。八月已雪。金陳王烏舍聚落在焉。

烏舍知皓賢。延使教其子。復偕之入燕。得聞徽

欽居五國城。密遣人奏書。獻桃栗梨麪。凡留金

十五年。紹興中。和議成。乃得偕張邵朱弁南歸。

後金使至。必問皓爲何官。居何地。其見重如此。

初皓留金時。以教授自給。因無紙。則取樺葉寫論語。孟子。大學。中庸。傳之。時謂之樺葉四書。所著詩文。金人鐫行之。國語。烏舍。皮條也。原作悟空。今譯改。張邵。字才彥。烏江人。登宣和上第。詔求可使北朝者。邵慨然請行。金人先拘之。燕山僧寺。復徙之會寧府。邵卒不屈節。和議成。乃遣南歸。官秘閣修撰。卒贈少師。

元

王堯。字樂人。工詩文。尤長於康節經世之學。流寓遼東。至大改元。瀋陽王引見。奏堯充說書。從王使高麗。陳便利三十餘事。

陳韶孫。廣州番禺人。父瀏。以罪流肇州。韶孫年十歲。朝夕號泣。願從父俱行。道過遼陽。平章達春見而憫焉。欲復送韶孫還鄉。韶孫曰。既不能以身代父。當死生相隨。歸非所願也。達春驚異。厚資之。大德六年。瀏死。韶孫哭盡哀。見者皆為泣下。肇州萬戶府以聞。命遣還鄉里。仍旌異之。

達春。國語解見名宦卷。原作塔出。今譯改。

明

陳循。字德遵。泰和人。永樂乙未。廷試第一。歷仕四朝。官大學士。景泰時。功在社稷。爲徐有貞所忌。石亨迎駕。譖殺王文。于謙。並戍循鐵嶺衛。亨敗。乃釋歸田里。

辛浩。字養正。江夏人。歷官監察御史。彈劾不避權勢。謫居遼陽。乃選教將卒子弟。多所成就。天順中。始復官。

閻寬。字德原。樂安人。官監察御史。彈劾無少避。爲錦衣指揮馬順所忌。以事中傷之。謫居鐵嶺。遂家焉。

欽定盛京通志

卷九十

流寓

十

張鵬。字騰霄。涑水人。官御史。立朝蹇諤。持大節。天順初。爲石亨所構。左遷戍遼東。亨敗。乃復官。還京。仕至兵部尚書。

劉玘。字求素。安福人。官刑部員外。有胡指揮某。因妻姦謀殺人。玘論如法。其人素附權幸。改讞於錦衣衛。坐玘以故入罪。謫戍遼陽。玘在遼東五年。日以文章自抒寫。題集曰養晦。後卒於遼。

胡世寧。字永清。仁和人。累官江西副使。以論宸濠不法。謫戍瀋陽。寄居廣寧三年。學者宗之。及宸濠敗。世寧起官。至太子太保。兵部尚書。卒。諡端敏。

劉琦。字廷珍。洛川人。官兵科給事中。時妖人李福達罪當死。權貴郭勛庇之。琦抗疏陳其顛末。上怒。謫戍瀋陽衛。琦在瀋陽十餘年。講學不輟。上每日。劉琦嘗進讜言。蓋已悟其直矣。後遇赦。召還京。

王儼。字民望。華容人。歷官侍郎。正德間。求直言。儼首論鹽法芻粟。悉為貴戚宦官侵壞。劉瑾銜之。誣以他事繫獄。煅煉無所得。瑾又使人諷儼附已。不聽。矯詔謫戍遼東。僑居遼陽。瑾誅乃還。嘉靖初。賜存問。年八十有八。乃卒。

黃正色。字士尚。無錫人。歷官南臺御史。時巨璫鮑忠。護太后梓宮葬承天。怙寵黷貨。正色陳其罪。忠等誣正色于梓宮前騎馬張扇。遣戍遼左。正色荷戈就道。隆慶初。復原官。召還。遷南京太

僕卿卒祀遼陽三忠祠。

徐文華字用光四川嘉定人仕至監察御史嘉靖間以誣獄編戍遼陽文華有節操工詩文與給事中安磐侍御程啓充給事中彭實以吟咏爲事日相唱和無憂戚容後召還卒隆慶初贈僉都御史。

夏良勝江西南城人官太常寺少卿嘉靖時以議大禮謫戍三萬衛後終于寧遠。

國朝

欽定盛京通志

卷九十

沈寓

十三

沈文奎浙江會稽人隸鑲白旗漢軍年二十以諸生遊遵化天聰三年。

王師下遵化文奎謁貝勒豪格遂攜歸瀋陽因家焉。太宗命直文館崇德元年。

特旨甄別內院人員分爲四等文奎名列一等第二擢授弘文院學士順治元年從入關歷官保定巡撫淮揚漕運總督有政績祀名宦祠詳浙江通志。

苗君稷昌平人明季諸生遭時多難隸籍黃冠

喜讀儒書。究心史學。至老不倦。居

盛京之三官廟。翰林高士奇。稱其有隱者之風。

郝浴。字雪海。山東定州人。順治己丑進士。任四

川巡按。守保寧城。時巨寇劉方、繡等踞滇黔。吳

三桂握重兵屯保寧。久無功。浴至。決策破賊。有

安蜀功。因劾吳三桂跋扈狀。三桂銜之。譖以他

事降調。謫戍鐵嶺。讀書講學。無間寒暑。註周易

解。士人宗之。稱為復陽先生。

聖祖幸奉天。浴跪迎道左。具述按蜀始末。

欽定盛京通志

卷九十

流寓

三

聖祖為之傾聽。慰勞良久。十四年。

特旨取還錄用。浴留其居為銀岡書院。後仕至廣西巡

撫。崇祀名宦。

欽定盛京通志卷之九十